



Գնահատեք Փողի Արժեքը

- Արտարժութային փոխարժեքների, գործարքների անընդհատ թարմացումներ
- Ուկու փոխարժեքների անընդհատ թարմացումներ
- << կենտրոնական բանկի կողմից իրականացվող աճուրդներ
- << ֆինանսների նախարարության կողմից իրականացվող աճուրդներ
- Բորսայում իրականացված գործարքներ
- Դրամային իրացվելիության ցուցանիշներ
- Բանկերի միջև << դրամով և արտարժույթով վարկային գործառնություններ
- Ֆինանսատնտեսական նորություններ

**Արտարժույթի առք ու վաճառքի, արժութային սվովի, արտարժույթի
կանխիկացման և ապականխիկացման գործառնությունների
կնքման գլխավոր համաձայնագիրը**



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԲԱՆԿԻ ՆԱԽԱԳԱՀ

ՈՐՈՇՈՒՄ
30/12/2005թ. թիվ 1/936Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԲԱՆԿԻ ԿՈՂՄԻՑ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔՈՒՄ ԳՈՐԾՈՂ ԲԱՆԿԵՐԻ ՀԵՏ
ԱՐՏԱՐԺՈՒՅԹԻ Առք ՈՒ ՎԱՃԱՌՔԻ, ԱՐԺՈՒԹԱՅԻՆ ՍՎՈՓ, ԱՐՏԱՐԺՈՒՅԹԻ
ԿԱՄԽԻԿԱՑՄԱՆ և ԱՊԱԿԱՆԻԿԱՑՄԱՆ ԳՈՐԾԱՌՆՈՒԹՅՈՒՆՆԵՐԻ ԿՆՔՄԱՆ
ԳԼԽԱՎՈՐ ՀԱՍՏԱՑՆԱԳՐԻ ՍԱՍԻՆ

Հիմք ընդունելով «Հայաստանի Հանրապետության կենտրոնական բանկի մասին»
Հայաստանի Հանրապետության օրենքի 18-րդ հոդվածի դրույթները՝

Ո բ ո շ ո ւ մ եմ.

1. Հաստատել «Արտարժույթի առք ու վաճառքի, արժութային սվոփ, արտարժույթի կանխիկացման և ապականիխիկացման գործառնությունների կնքման գլխավոր համաձայնագիրը» համաձայն հավելվածի (կցվում է):

2. Հաճանարարել Հայաստանի Հանրապետության կենտրոնական բանկի իրավաբանական վարչությանը մեկամսյա ժամկետում ապահովել Հայաստանի Հանրապետությունում գործող առևտրային բանկերի հետ սույն որոշման 1-ին կետով հաստատված գլխավոր համաձայնագիր կնքումը:

3. Սույն որոշման 2-րդ կետով սահմանված ժամկետը լրանալու պահից ուժի կորցրած ճանաչել Հայաստանի Հանրապետության կենտրոնական բանկի նախագահի 2003 թվականի հուլիսի 14-ի թիվ 1/250Լ որոշումով հաստատված «Հայաստանի Հանրապետության կենտրոնական բանկի կողմից Հայաստանի Հանրապետության տարածքում գործող բանկերի հետ արտարժույթի առք ու վաճառքի, արժութային սվոփ, արտարժույթի կանխիկացման և ապականիխիկացման գործառնությունների կնքման գլխավոր համաձայնագիրը»:

4. Հաճանարարել Հայաստանի Հանրապետության կենտրոնական բանկի հաշվապահական հաշվառման վարչությանը՝ սույն որոշումն ուժի մեջ մտնելու պահից երկշաբաթյա ժամկետում ՀՀ կենտրոնական բանկի կողմից իրականացվող արժութային սվոփ գործառնությունների հաշվապահական հաշվառման կարգում կատարել համապատասխան փոփոխություններ:

5. Սույն որոշումն ուժի մեջ է մտնում ստորագրմանը հաջորդող օրվանից:

ՆԱԽԱԳԱՀ

Տ. ՍԱՐԳՍՅԱՆ

ԳԽԱՀԱՏԵՐ ՓՈՂԻ ԱՐԺԵՔԸ



Հավելված

ԱՐՏԱՐԺՈՒՅԹԻ ԱՌՔ ՈՒ ՎԱՃԱՐՔԻ, ԱՐԺՈՒԹԱՅԻՆ ՍՎՈՓ,
ԱՐՏԱՐԺՈՒՅԹԻ ԿԱՆԽԻԿԱՑՄԱՆ ԵՎ ԱՊԱԿԱՆԽԻԿԱՑՄԱՆ
ԳՈՐԾԱՌՆՈՒԹՅՈՒՆՆԵՐԻ ԿՆՋՄԱՆ
ԳԼԽԱՎՈՐ ՀԱՍԱԳԱՅՆԱԳԻՐ

Թիվ 1/936Լ

p. Եղիազար

30.12.2005

p.

Հայաստանի Հանրապետության կենտրոնական բանկը (հետագայում՝ Կենտրոնական բանկ), գործելով համաձայն «Հայաստանի Հանրապետության կենտրոնական բանկի մասին» Հայաստանի Հանրապետության օրենքի, ի դեմս Կենտրոնական բանկի նախագահ S. Սարգսյանի՝ մի կողմից, և համաձայն Բանկի կանոնադրության, ի դեմս տնօրեն (Վարչության նախագահ)՝ մյուս կողմից (հետագայում՝ Կողմեր), կնքեցին սույն գիշավոր համաձայնագիրը հետևյալի մասին.

1. Համաձայնագրի առարկան

Կողմերը Հայաստանի Հանրապետության քաղաքացիական օրենսգրքի, այլ իրավական ակտերի և սույն համաձայնագրի շրջանակներում ՀՀ ներքին արժութային շուկայում կնքում են արտաքինական առքի և վաճառքի գործարքներ, արժութային սպոնսորական գործարքներ և իրականացնում են արտաքինական առքի և վաճառքի կանխիկացման և ապականիխիկացման գործարքներ:

2. Ընդհանուր որույթներ

2.1. Առևլի համաձայնագրի իմաստով՝

Կենտրոնական բանկ՝ Հայաստանի Հանրապետության կենտրոնական բանկ.

Բանկ՝ Հայաստանի Հանրապետության տարածքում գործող առևտրային բանկ.

Արտաքինական պահպանություն՝ պահպանության մեջ գտնվող օբյեկտների տարածքում շրջանառության մեջ գտնվող օրինական վճարամիջոց հանդիսացող թղթադրամներն ու մետաղադրամները, ինչպես նաև բանկային հաշիվներում գտնվող օտարերկրյա պետությունների դրամական միավորներով արտահայտված միջոցները:



Արտարժույթի կանխիկացում՝ Բանկի կողմից ներկայացված Հայտի հիման վրա Կենտրոնական բանկի կողմից անկանխիկ Արտարժույթի դիմաց կանխիկ Արտարժույթի տրամադրումը Բանկին.

Արտարժույթի ապականխիկացում՝ Բանկի կողմից ներկայացված Հայտի հիման վրա Կենտրոնական բանկի կողմից կանխիկ Արտարժույթի դիմաց անկանխիկ Արտարժույթի տրամադրումը Բանկին.

Արժուային սվոփ՝ Բանկի կողմից ներկայացված Հայտի հիման վրա հաջորդական երկու գործարքների իրականացում. Բանկի և Կենտրոնական բանկի միջև ՀՀ դրամի և անկանխիկ Արտարժույթի փոխանակում, որոշ ժամանակ անց նշված արժույթները միևնույն ծավալներով հետ փոխանակելու և դրամի կամ արտարժույթի դիմաց Սվոփ տոկոսադրույթին համապատասխան գումար վճարելու պայմանով.

Սվոփ տոկոսադրույթ՝ Կենտրոնական բանկի կողմից Արժուային սվոփ Գործարքի վերաբերյալ հայտարարությունում նշված սվոփ տոկոսադրույթ.

Արտարժույթի տրամադրման սվոփ՝ արժուային սվոփ, որի առաջին քայլի ընթացքում Բանկը Կենտրոնական բանկին տրամադրում է անկանխիկ արտարժույթ և Կենտրոնական բանկից ներգրավում ՀՀ դրամ, իսկ երկրորդ քայլի ընթացքում նշված միջոցները միևնույն ծավալներով հետ են փոխանակվում: Գործարքի երկրորդ քայլի ընթացքում տեղի է ունենում նաև Սվոփ տոկոսադրույթին համապատասխան դրամային գումարի վճարում, որը Սվոփ տոկոսադրույթի դրական լինելու դեպքում վճարում է Բանկը Կենտրոնական բանկին, իսկ Սվոփ տոկոսադրույթի բացասական լինելու դեպքում՝ Կենտրոնական բանկը Բանկին.

Արտարժույթի ներգրավման սվոփ՝ Արժուային սվոփ, որի առաջին քայլի ընթացքում Բանկը Կենտրոնական բանկից ներգրավում է անկանխիկ արտարժույթ և Կենտրոնական բանկին տրամադրում ՀՀ դրամ, իսկ երկրորդ քայլի ընթացքում նշված միջոցները միևնույն ծավալներով հետ են փոխանակվում: Գործարքի երկրորդ քայլի ընթացքում տեղի է ունենում նաև Սվոփ տոկոսադրույթին համապատասխան դրամային գումարի վճարում, որը Սվոփ տոկոսադրույթի դրական լինելու դեպքում վճարում է Կենտրոնական բանկը Բանկին, իսկ Սվոփ տոկոսադրույթի բացասական լինելու դեպքում՝ Բանկը Կենտրոնական բանկին:

Հայտ՝ Բանկի կողմից Կենտրոնական բանկ ներկայացված Արտարժույթի առքի կամ վաճառքի, Արտարժույթի տրամադրման կամ ներգրավման սվոփի, Արտարժույթի կանխիկացման կամ ապականխիկացման Գործարք կնքելու առաջարկ (հավելվածներ 1,2,3,4,5,6).

Հայտի հաստատում՝ Բանկի կողմից Կենտրոնական բանկ ներկայացված Հայտը Կենտրոնական բանկի կողմից հաստատելու մասին ծանուցում (հավելվածներ 7,8,9,10,11).

Հայտի մասնակի հաստատում՝ Բանկի կողմից Կենտրոնական բանկ ներկայացված Հայտը Կենտրոնական բանկի կողմից Հայտում նշված գումարի մի մասի չափով հաստատելու մասին ծանուցում (հավելվածներ 7,8,9).

Հայտի մերժում՝ Բանկի կողմից Կենտրոնական բանկ ներկայացված Հայտը Կենտրոնական բանկի կողմից մերժելու մասին ծանուցում (հավելվածներ 12,13,14).



Գործարք՝ Կենտրոնական բանկի և Բանկի միջև սույն համաձայնագրի շրջանակներում կնքված Արտարժույթի առքի կամ վաճառքի, Արտարժույթի տրամադրման կամ ներգրավման սվոփի, Արտարժույթի կանխիկացման կամ ապականխիկացման գործարք.

Գործարքի կնքման օր՝ այն օրը, երբ Կենտրոնական բանկը հաստատում (մասնակի հաստատում) է Բանկի կողմից ներկայացված Հայտը.

Կատարման օր՝ Գործարքի պայմաններով սահմանված ստանձնած պարտավորությունների իրականացման, այսինքն՝ անկանխիկ ֆինանսական միջոցները գործընկերոց հաշվին մուտքագրելու, կամ կանխիկ միջոցները Կենտրոնական բանկի դրամարկղ մուտքագրելու կամ Կենտրոնոկան բանկի դրամարկղից տրամադրելու օր.

Գործարքի ծավալ՝ Գործարքի հիմքում ընկած Արտարժույթի միավորների թիվը.

Գործարքի դրամային համարժեք՝ Գործարքի ծավալի և Գործարքի փոխարժեքի արտադրյալ:

Աշխատանքային օր՝ Հայաստանի Հանրապետության օրենսդրությամբ սահմանված տոնի կամ հիշատակի ոչ աշխատանքային օր, ինչպես նաև շաբաթ կամ կիրակի շաբաթիսացող ցանկացած օրացուցային օր:

Բանկային օր՝ Կենտրոնական բանկի աշխատանքային օրվա ժամը 10:00-ից մինչև ժամը 15:00-ը.

3. Արտարժույթի առք ու վաճառքի գործարքների և հաշվարկների իրականացման կարգը

- 3.1.Բանկը Կենտրոնական բանկի հայտարարության հիման վրա Կենտրոնական բանկին առաջարկում է Գործարքի պայմանները՝ Հայտի միջոցով:
- 3.2.Բանկը Գործարքի կնքման Հայտը Կենտրոնական բանկ է ներկայացնում Կենտրոնական բանկի հայտարարության մեջ նշված ժամկետում:
- 3.3.Հայտերը կարող են ներկայացվել բոթային եղանակով (Երկու օրինակից) կամ CBANet համակարգչային ցանցի միջոցով:
- 3.4.Կենտրոնական բանկը Բանկի կողմից ներկայացված Հայտը պարտավոր է հաստատել, մասնակի հաստատել կամ մերժել Հայտերի ընդունման համար սահմանված ժամկետից հետո 2 ժամվա ընթացքում:
- 3.5.Սույն համաձայնագրով Կենտրոնական բանկին իրավունք է վերապահվում միակողմանիորեն մերժել Բանկի կողմից ներկայացված Հայտը կամ բավարարել մասնակիորեն (Հայտի մասնակի հաստատում): Հայտարարության մեջ նշված ժամկետից ուշ կամ սահմանված ձևից շեղումներով ներկայացված Հայտերը մերժվում են:
- 3.6.Բանկի կողմից Կենտրոնական բանկին առաքված Հայտը չի կարող հետ կանչվել:
- 3.7.Առանձին դեպքերում Արտարժույթի առքի կամ վաճառքի Գործարքը կարող է կնքվել Կողմերի միջև ուղղակի բանակցությունների արդյունքում: Այս դեպքում բանակցությունների միջոցով սահմանվում են Գործարքի պայմանները, այնուհետև Բանկը համապատասխան առքի կամ վաճառքի Հայտ է ներկայացնում



Կենտրոնական բանկ: Բանակցությունների արդյունքում սահմանված Գործարքի պայմանները նշվում են Հայտի մեջ:

- 3.8.Եթե Բանկը Կենտրոնական բանկից ստանում է Հայտի հաստատումը կամ մասնակի հաստատումը, ապա Գործարքը համարվում է կնքված, և Կողմերը ստանձնում են սույն համաձայնագրով սահմանված իրավունքներն ու պարտականությունները, ինչպես նաև կրում են նախատեսված պատասխանատվությունը:
- 3.9.Կենտրոնական բանկի կողմից Բանկի Հայտը հաստատելու (մասնակի հաստատելու), մերժելու, ինչպես նաև Հայտը և Հայտի հաստատումը ուժը կորցրած ճանաչելու դեպքում Կենտրոնական բանկը նոյն օրվա ընթացքում համապատասխան կարգով ծանուցում է Բանկին:
- 3.10.Թղթային ձևով ներկայացված Հայտերի վրա կատարվում է Հայտը մերժելու կամ հաստատելու (մասնակի հաստատելու) մասին համապատասխան գրառում:
- 3.11.Կենտրոնական բանկի կողմից անկանխիկ Արտարժույթի առքի դեպքում Բանկը պարտավոր է Գործարքի Կատարման օրվա դրությամբ ապահովել Գործարքի ծավալի չափով Արտարժույթի մուտքագրումը Կենտրոնական բանկի կողմից նշված արտարժութային հաշվին, իսկ կանխիկ Արտարժույթի առքի դեպքում՝ մինչև Կատարման օրվա Բանկային օրվա ավարտը՝ Կենտրոնական բանկի դրամարկղ: Կենտրոնական բանկը պարտավոր է Գործարքի Կատարման օրն, ընդ որում կանխիկ Արտարժույթի առքի դեպքում՝ Բանկի կողմից կանխիկ Արտարժույթը Կենտրոնական բանկի դրամարկղ մուտքագրելուց հետո՝ Գործարքի դրամային համարժեքի չափով դրամը մուտքագրել Կենտրոնական բանկում գտնվող Բանկի բղրակցային հաշվին, եթե Կենտրոնական բանկի կողմից տրված հայտարարության մեջ այլ պայմաններ սահմանված չեն, կամ կողմերը բանակցությունների արդյունքում այլ պայմանների վերաբերյալ չեն պայմանավորվել: Ընդ որում, բանակցությունների արդյունքում այլ պայմանների սահմանման դեպքում վերջիններս նշվում են Հայտի մեջ:
- 3.12.Կենտրոնական բանկի կողմից Արտարժույթի վաճառքի դեպքում Կենտրոնական բանկը Գործարքի Կատարման օրը Կենտրոնական բանկում գտնվող Բանկի բղրակցային հաշվից անվիճելի (անակցեալ) կարգով գանձում է Գործարքի դրամային համարժեքի չափով դրամը: Անկանխիկ Արտարժույթի վաճառքի դեպքում, Կենտրոնական բանկը պարտավոր է Գործարքի Կատարման օրվա դրությամբ ապահովել Գործարքի ծավալի չափով Արտարժույթի մուտքագրումը Բանկի կողմից նշված արտարժութային հաշվին, իսկ կանխիկ Արտարժույթի վաճառքի դեպքում՝ մինչև Կատարման օրվա Բանկային օրվա ավարտը՝ Գործարքի ծավալի չափով Արտարժույթը տրամադրել Բանկին Կենտրոնական բանկի դրամարկղից, եթե Կենտրոնական բանկի կողմից տրված հայտարարության մեջ այլ պայմաններ սահմանված չեն, կամ կողմերը բանակցությունների արդյունքում այլ պայմանների վերաբերյալ չեն պայմանավորվել: Ընդ որում, բանակցությունների արդյունքում այլ պայմանների սահմանման դեպքում վերջիններս նշվում են Հայտի մեջ:

4. Արժուային սպոփ գործարքների և հաշվարկների իրականացման կարգը



- 4.1.Բանկը Կենտրոնական բանկի հայտարարության հիման վրա Կենտրոնական բանկին առաջարկում է Գործարքի պայմանները՝ Հայտի միջոցով:
- 4.2.Բանկը Գործարքի կնքման Հայտը Կենտրոնական բանկ է ներկայացնում Կենտրոնական բանկի հայտարարության մեջ նշված ժամկետում:
- 4.3.Հայտերը կարող են ներկայացվել բոթային եղանակով (երկու օրինակից) կամ CBANet համակարգչային ցանցի միջոցով:
- 4.4.Կենտրոնական բանկը Բանկի կողմից ներկայացված Հայտը պարտավոր է հաստատել, մասնակի հաստատել կամ մերժել Հայտերի ընդունման համար սահմանված ժամկետից հետո 2 ժամվա ընթացքում:
- 4.5.Սույն համաձայնագրով Կենտրոնական բանկին իրավունք է վերապահվում միակողմանիորեն մերժել Բանկի կողմից ներկայացված Հայտը կամ բավարարել մասնակիորեն (Հայտի մասնակի հաստատում): Հայտարարության մեջ նշված ժամկետից ուշ կամ սահմանված ձևից շեղումներով ներկայացված Հայտերը մերժվում են:
- 4.6.Բանկի կողմից Կենտրոնական բանկին առաքված Հայտը չի կարող հետ կանչվել:
- 4.7.Եթե Բանկը Կենտրոնական բանկից ստանում է Հայտի հաստատումը կամ մասնակի հաստատումը, ապա Գործարքը համարվում է կնքված, և Կողմերը ստանձնում են սույն համաձայնագրով սահմանված իրավունքներն ու պարտականությունները, ինչպես նաև կրում են նախատեսված պատասխանատվությունը:
- 4.8.Կենտրոնական բանկի կողմից Բանկի Հայտը հաստատելու (մասնակի հաստատելու), մերժելու, ինչպես նաև Հայտը և Հայտի հաստատումը ուժը կորցրած ճանաչելու դեպքում Կենտրոնական բանկը նոյն օրվա ընթացքում համապատասխան կարգով ծանուցում է Բանկին:
- 4.9.Ծրբային ձևով ներկայացված Հայտերի վրա կատարվում է Հայտը մերժելու կամ հաստատելու (մասնակի հաստատելու) մասին համապատասխան գրառում:
- 4.10.Արտարժույթի տրամադրման սպոֆի իրականացման դեպքում Բանկը պարտավոր է Գործարքի առաջին քայլի Կատարման օրվա դրությամբ ապահովել Գործարքի ժամանակակի չափով Արտարժույթի մուտքագրումը Կենտրոնական բանկի կողմից նշված արտարժութային հաշվին, իսկ Կենտրոնական բանկը պարտավոր է Գործարքի դրամային համարժեքի չափով դրամը Գործարքի առաջին քայլի Կատարման օրը մուտքագրել Կենտրոնական բանկում գտնվող Բանկի բոթակցային հաշվին, եթե Կենտրոնական բանկի կողմից տրված հայտարարության մեջ այլ պայմաններ սահմանված չեն, կամ կողմերը բանակցությունների արդյունքում այլ պայմանների վերաբերյալ չեն պայմանավորվել: Կենտրոնական բանկը Գործարքի երկրորդ քայլի Կատարման օրվա դրությամբ ապահովում է Գործարքի ծավալի չափով Արտարժույթի մուտքագրումը Բանկի կողմից նշված արտարժութային հաշվին և Կենտրոնական բանկում գտնվող Բանկի բոթակցային հաշվից անվիճելի (անակցեալ) կարգով գանձում է Գործարքի դրամային համարժեքի չափով դրամը:

Սպոփ տոկոսադրույթի դրական լինելու դեպքում Կենտրոնական բանկը Բանկի բոթակցային հաշվից անվիճելի (անակցեալ) կարգով գանձում է նաև Սպոփ տոկոսադրույթին համապատասխան գումարը, իսկ Սպոփ տոկոսադրույթի



բացասական լինելու դեպքում՝ Կենտրոնական բանկը Սվոփ տոկոսադրույթին համապատասխան գումարը մուտքագրում է Կենտրոնական բանկում գտնվող Բանկի թղթակցային հաշվին: Կենտրոնական բանկի կողմից տրված հայտարարության մեջ կարող են սահմանվել այլ պայմաններ, կամ կողմերը բանակցությունների արդյունքում կարող են պայմանավորվել այլ պայմանների վերաբերյալ: Բանակցությունների արդյունքում այլ պայմանների սահմանման դեպքում վերջիններս նշվում են Հայտի մեջ:

4.11.Արտարժույթի ներգրավման սվոփի իրականացման դեպքում Կենտրոնական բանկը Գործարքի առաջին քայլի Կատարման օրվա դրությամբ ապահովում է Գործարքի ծավալի չափով Արտարժույթի մուտքագրումը Բանկի կողմից նշված արտարժութային հաշվին և Կենտրոնական բանկում գտնվող Բանկի թղթակցային հաշվից անվիճելի (անակցեալ) կարգով գանձում է Գործարքի դրամային համարժեքի չափով դրամը, եթե Կենտրոնական բանկի կողմից տրված հայտարարության մեջ այլ պայմաններ սահմանված չեն, կամ կողմերը բանակցությունների արդյունքում այլ պայմանների վերաբերյալ չեն պայմանավորվել: Գործարքի երկրորդ քայլի Կատարման օրվա դրությամբ Բանկը պարտավոր է ապահովել Գործարքի ծավալի չափով Արտարժույթի մուտքագրումը Կենտրոնական բանկի կողմից նշված արտարժութային հաշվին, իսկ Կենտրոնական բանկը պարտավոր է Գործարքի դրամային համարժեքի չափով դրամը մուտքագրել Կենտրոնական բանկում գտնվող Բանկի թղթակցային հաշվին:

Սվոփ տոկոսադրույթի դրական լինելու դեպքում Կենտրոնական բանկը Կենտրոնական բանկում գտնվող Բանկի թղթակցային հաշվին մուտքագրում է նաև Սվոփ տոկոսադրույթին համապատասխան գումարը, իսկ Սվոփ տոկոսադրույթի բացասական լինելու դեպքում Կենտրոնական բանկն անվիճելի (անակցեալ) կարգով գանձում է Սվոփ տոկոսադրույթին համապատասխան գումարը Կենտրոնական բանկում գտնվող Բանկի թղթակցային հաշվից:

Կենտրոնական բանկի կողմից տրված հայտարարության մեջ կարող են սահմանվել այլ պայմաններ, կամ կողմերը բանակցությունների արդյունքում կարող են պայմանավորվել այլ պայմանների վերաբերյալ: Բանակցությունների արդյունքում այլ պայմանների սահմանման դեպքում վերջիններս նշվում են Հայտի մեջ:

5. Արտարժույթի կանխիկացման և ապականխիկացման գործարքների և հաշվարկների իրականացման կարգը

- 5.1.Բանկը Կենտրոնական բանկի հետ Գործարք կնքելու համար բանակցություններ է վարում Գործարքի պայմանների վերաբերյալ, այդ թվում՝ միջնորդավճարի:
- 5.2.Բանկը Գործարքի պայմանների վերաբերյալ Կենտրոնական բանկի հետ համաձայնության գալու դեպքում Կենտրոնական բանկ է ներկայացնում Գործարքի կնքման Հայտը:



- 5.3.Հայտերը կարող են ներկայացվել բղթային եղանակով (երկու օրինակից) կամ CBANet համակարգային ցանցի միջոցով:
- 5.4.Կենտրոնական բանկը Բանկի կողմից ներկայացված Հայտը պարտավոր է հաստատել կամ մերժել Հայտի ընդունման պահից 30 րոպեի ընթացքում:
- 5.5.Կենտրոնական բանկին իրավունք չի վերապահվում մերժել Բանկի կողմից Կենտրոնական բանկ ներկայացված Հայտը, բացառությամբ այն դեպքերի, եթե Հայտը սահմանված ձևով չի ներկայացվել կամ ներկայացվել է սխալներով և (կամ) զննումներով, կամ մինչև Հայտի առաքումը տվյալ Բանկի հետ սույն հոդվածի 5.1 կետով նախատեսված բանակցություններ չեն վարվել: Բանակցությունների ընթացքում որոշված ժամկետից ուշ կամ սահմանված ձևով շեղումներով ներկայացված Հայտերը մերժվում են:
- 5.6.Բանկի կողմից Կենտրոնական բանկին առարված Հայտը չի կարող հետ կանչվել:
- 5.7.Եթե Բանկը Կենտրոնական բանկից ստանում է Հայտի հաստատումը, ապա Գործարքը համարվում է կնքված, և կողմերն ստանձնում են սույն համաձայնագրով սահմանված իրավունքներն ու պարտականությունները, ինչպես նաև կրում են նախատեսված պատասխանատվությունը:
- 5.8.Կենտրոնական բանկի կողմից Բանկի Հայտը հաստատելու (մասնակի հաստատելու), մերժելու, ինչպես նաև Հայտը և Հայտի հաստատումը ուժը կորցրած ճանաչելու դեպքում Կենտրոնական բանկը նույն օրվա ընթացքում համապատասխան կարգով ծանուցում է Բանկին:
- 5.9.Թղթային ձևով ներկայացված Հայտերի վրա կատարվում է Հայտը մերժելու կամ հաստատելու մասին համապատասխան գրառում:
- 5.10.Արտարժույթի կանխիկացման Գործարք կնքելու դեպքում Բանկը պարտավոր է Գործարքի Կատարման օրվա դրությամբ ապահովել Գործարքի ծավալի չափով անկանխիկ Արտարժույթի մուտքագրումը Կենտրոնական բանկի կողմից նշված արտարժութային հաշվին: Կենտրոնական բանկն անկանխիկ Արտարժույթն իր հաշվին մուտքագրվելու համապատասխան հաստատումն ստանալուց հետո պարտավոր է մինչև հաջորդ Բանկային օրվա ավարտը Կենտրոնական բանկի դրամարկուց Բանկին տրամադրել Գործարքի ծավալի չափով կանխիկ Արտարժույթը:
- 5.11.Արտարժույթի ապականխիկացման Գործարք կնքելու դեպքում Բանկը պարտավոր է մինչև Գործարքի Կատարման օրվա Բանկային օրվա ավարտը Կենտրոնական բանկի դրամարկու մուտքագրել Գործարքի ծավալի չափով կանխիկ Արտարժույթը: Կանխիկ Արտարժույթը Կենտրոնական բանկի դրամարկու մուտքագրվելուց հետո Կենտրոնական բանկը պարտավոր է նույն օրվա ընթացքում Գործարքի ծավալի չափով անկանխիկ Արտարժույթը փոխանցել Բանկի կողմից նշված արտարժութային հաշվին:
- 5.12.Արտարժույթի կանխիկացման և ապականխիկացման Գործարքի դիմաց Կենտրոնական բանկը Գործարքի Կատարման օրը Կենտրոնական բանկում գտնվող Բանկի թղթակցային հաշվից անվիճելի (անակցեալ) կարգով գանձում է կամ Բանկի թղթակցային հաշվին մուտքագրում է միջնորդավճար՝ բանակցությունների արդյունքում պայմանավորված չափով, ընդ որում, միջնորդավճարը հաշվարկվում է



ՀՀ դրամով՝ Կենտրոնական բանկի կողմից Գործարքի կնքման օրվա դրությամբ սահմանված հաշվարկային փոխարժեքով:

5.13.Առանձին դեպքերում կողմերը բանակցությունների արդյունքում կարող են պայմանավորվել հաշվարկների իրականացման այլ պայմանների վերաբերյալ: Ընդ որում, բանակցությունների արդյունքում այլ պայմանների սահմանման դեպքում վերջիններս նշվում են Հայտի մեջ:

6. Կողմերի պարտավորությունները

- 6.1.Կողմերը պարտավորվում են Հայաստանի Հանրապետության օրենսդրության շրջանակներում ապահովել կնքվող Գործարքների գաղտնիությունը:
- 6.2.Կողմերը պարտավորվում են սույն համաձայնագրով սահմանված ժամկետներում և պայմաններով կատարել համապատասխան փոխանցումները:

7. Կողմերի պատասխանատվությունը

7.1 Բանկի պատասխանատվությունը.

7.1.1.Այն դեպքում, եթե Բանկը հանդես է գալիս որպես արտարժույթի Գնորդ, սույն համաձայնագրով սահմանված օրվա դրությամբ իր թղթակցային հաշվում Գործարքի դրամային համարժեքի չափով դրամական միջոցների բացակայության դեպքում, վճարում է տուժանք՝ Գործարքի դրամային համարժեքի 0.5%-ի չափով, իսկ Հայտը և Հայտի հաստատումն ուժը կորցրած են ճանաչվում:

7.1.2.Այն դեպքում, եթե Բանկը հանդես է գալիս որպես անկանխիկ Արտարժույթ Վաճառող, սույն համաձայնագրով սահմանված ժամկետներում արտարժութային գումարների մուտքագրումը Կենտրոնական բանկի կողմից նշված արտարժութային հաշվին չափահովվելու կամ անպատշաճ կերպով կատարելու դեպքում վճարում է տուժանք՝ յուրաքանչյուր ուշացված օրացուցային օրվա համար Գործարքի դրամային համարժեքի 0.5%-ի չափով: Սույն ենթակետով նախատեսված տուժանքները հաշվարկվում են Գործարքի Կատարման օրվան հաջորդող օրացուցային օրվանից հաշված առավելագույնը երեք Աշխատանքային օր (բացառությամբ սույն ենթակետի երկրորդ մասով նախատեսված դեպքերի), որից հետո Բանկի կողմից պարտավորությունը չկատարելու պարագայում Հայտը և Հայտի հաստատումն ուժը կորցրած են ճանաչվում, և Կենտրոնական բանկը հետ է գանձում Բանկի թղթակցային հաշվին մուտքագրված դրամական գումարը:

Սույն ենթակետի առաջին մասով նախատեսված հիմքով Հայտը և Հայտի հաստատումն ուժը կորցրած ճանաչվելու օրը Բանկի թղթակցային հաշվում գանձման ենթակա դրամական միջոցների բացակայության կամ մասնակի առկայության դեպքում Կենտրոնական բանկը Բանկի թղթակցային հաշվից գանձում է համապատասխան դրամական միջոցները դրանց առկայության



առաջին իսկ պահին, առկա գումարի չափով՝ մինչև գանձման ենթակա գումարի ամբողջական մարումը: Կենտրոնական բանկը Բանկի թղթակցային հաշվից գանձում է նաև տուժանք՝ յուրաքանչյուր օրացուցային օրվա համար բացակայող միջոցների 0.5%-ի չափով՝ մինչև բացակայող միջոցների ամբողջական գանձման օրը (ներառյալ):

7.1.3.Այն դեպքում, եթե Բանկը հանդես է գալիս որպես կանխիկ Արտարժույթ Վաճառող, սույն համաձայնագրով սահմանված ժամկետներում կանխիկ Արտարժույթը Կենտրոնական բանկի դրամարկղ չնուտքագրելու կամ անպատշաճ կերպով կատարելու դեպքում վճարում է տուժանք՝ Գործարքի դրամային համարժեքի 0.5%-ի չափով, իսկ Հայտը և Հայտի հաստատումն ուժը կորցրած են ճանաչվում:

7.1.4.Այն դեպքում, եթե Բանկը հանդես է գալիս որպես Արտարժույթի տրամադրման սվոփ կամ Արտարժույթի ներգրավման սվոփ Գործարքի կողմ, Արտարժույթի տրամադրման սվոփի առաջին քայլի կամ Արտարժույթի ներգրավման սվոփի երկրորդ քայլի իրականացման ժամանակ սույն համաձայնագրով սահմանված ժամկետներում արտարժութային գումարների մուտքագրումը Կենտրոնական բանկի կողմից նշված արտարժութային հաշվին չափահովելու կամ անպատշաճ կերպով կատարելու դեպքում վճարում է տուժանք՝ յուրաքանչյուր ուշացված օրացուցային օրվա համար Գործարքի դրամային համարժեքի 0.5%-ի չափով: Սույն կետով նախատեսված տուժանքները հաշվարկվում են Գործարքի համապատասխան քայլի Կատարման օրվան հաջորդող օրացուցային օրվանից հաշված առավելագույնը երեք Աշխատանքային օր (բացառությամբ սույն ենթակետի երկրորդ մասով նախատեսված դեպքերի), որից հետո Բանկի կողմից պարտավորությունը չկատարելու պարագայում Հայտը և Հայտի հաստատումն ուժը կորցրած են ճանաչվում (ընդ որում Արտարժույթի ներգրավման սվոփի երկրորդ քայլի իրականացման դեպքում Հայտն ուժը կորցրած է ճանաչվում միայն երկրորդ քայլի մասով), և Կենտրոնական բանկը հետ է գանձում ի կատարումն Գործարքի համապատասխան քայլի Բանկի թղթակցային հաշվին մուտքագրված դրամային գումարը:

Սույն ենթակետի առաջին մասով նախատեսված հիմքով Հայտը և Հայտի հաստատումը ուժը կորցրած ճանաչվելու օրը Բանկի թղթակցային հաշվում գանձման ենթակա գումարի բացակայության կամ մասնակի առկայության դեպքում Կենտրոնական բանկը Բանկի թղթակցային հաշվից գանձում է համապատասխան դրամական միջոցները դրանց առկայության առաջին իսկ պահին, առկա գումարի չափով՝ մինչև գանձման ենթակա գումարի ամբողջական մարումը: Կենտրոնական բանկը Բանկի թղթակցային հաշվից գանձում է նաև տուժանք՝ բացակայող միջոցների 0.5%-ի չափով՝ մինչև բացակայող միջոցների ամբողջական գանձման օրը (ներառյալ):

7.1.5.Այն դեպքում, եթե Բանկը հանդես է գալիս որպես Արտարժույթի ներգրավման սվոփ կամ Արտարժույթի տրամադրման սվոփ Գործարքի կողմ, Արտարժույթի ներգրավման սվոփի առաջին քայլի կամ Արտարժույթի տրամադրման սվոփի երկրորդ քայլի իրականացման ժամանակ սույն համաձայնագրով սահմանված օրվա դրությամբ իր թղթակցային հաշվում Գործարքի դրամային համարժեքի



չափով դրամական միջոցների բացակայության դեպքում, ինչպես նաև Արտարժույթի տրամադրման կամ Արտարժույթի ներգրավման սվոփ գործարքների երկրորդ քայլի Կատարման օրվա դրությամբ Բանկի կողմից վճարման ենթակա Սվոփ տոկոսադրույթին համապատասխան գումարի չափով դրամական միջոցների բացակայության դեպքում Բանկը վճարում է տուժանք՝ Հայտում նշված Գործարքի դրամային համարժեքի 0.5%-ի չափով և վճարվելիք Սվոփ տոկոսադրույթին համապատասխան գումարը, իսկ Հայտը և Հայտի հաստատումն ուժը կորցրած են ճանաչվում, ընդ որում Գործարքի երկրորդ քայլի իրականացման դեպքում Հայտն ուժը կորցրած է ճանաչվում միայն երկրորդ քայլի մասով:

Սույն ենթակետի առաջին մասով նախատեսված հիմքով Հայտը և Հայտի հաստատումը ուժը կորցրած ճանաչվելու օրը Բանկի թղթակցային հաշվում գանձման ենթակա գումարի բացակայության կամ մասնակի առկայության դեպքում Կենտրոնական բանկը Բանկի թղթակցային հաշվից գանձում է համապատասխան դրամական միջոցները դրանց առկայության առաջին իսկ պահին, առկա գումարի չափով՝ մինչև գանձման ենթակա գումարի ամբողջական մարումը: Կենտրոնական բանկը Բանկի թղթակցային հաշվից գանձում է նաև տուժանք՝ բացակայող միջոցների 0.5%-ի չափով՝ մինչև բացակայող միջոցների ամբողջական գանձման օրը (ներառյալ):

- 7.1.6. Արտարժույթի կանխիկացման Գործարքի իրականացման ժամանակ Բանկը սույն համաձայնագրով սահմանված ժամկետներում արտարժութային գումարների մուտքագրումը Կենտրոնական բանկի կողմից նշված արտարժութային հաշվին չափահովելու կամ անպատշաճ կերպով կատարելու դեպքում վճարում է տուժանք՝ Գործարքի ծավալի 0.5%-ի չափով, ընդ որում, տուժանքը հաշվարկվում է ՀՀ դրամով՝ Կենտրոնական բանկի կողմից Գործարքի կատարման օրվա դրությամբ սահմանված հաշվարկային փոխարժեքով, իսկ Հայտը և Հայտի հաստատումը ուժը կորցրած են ճանաչվում:
- 7.1.7. Արտարժույթի ապականխիկացման Գործարքի իրականացման ժամանակ, Բանկը սույն համաձայնագրով սահմանված ժամկետներում կանխիկ Արտարժույթը Կենտրոնական բանկի դրամարկղ չմուտքագրելու կամ անպատշաճ կերպով կատարելու դեպքում վճարում է տուժանք՝ Գործարքի ծավալի 0.5%-ի չափով, ընդ որում, տուժանքը հաշվարկվում է ՀՀ դրամով՝ Կենտրոնական բանկի կողմից Գործարքի կատարման օրվա դրությամբ սահմանված հաշվարկային փոխարժեքով, իսկ Հայտը և Հայտի հաստատումը ուժը կորցրած են ճանաչվում:
- 7.1.8. Արտարժույթի կանխիկացման կամ ապականխիկացման Գործարքի իրականացման ժամանակ սույն համաձայնագրով սահմանված օրվա դրությամբ իր թղթակցային հաշվում վճարման ենթակա միջնորդավճարին համապատասխան դրամական միջոցներ չունենալու դեպքում Բանկը վճարում է տուժանք՝ Գործարքի ծավալի 0.5%-ի չափով, ընդ որում, տուժանքը հաշվարկվում է ՀՀ դրամով՝ Կենտրոնական բանկի կողմից Գործարքի կատարման օրվա դրությամբ սահմանված հաշվարկային փոխարժեքով, իսկ Հայտը և Հայտի հաստատումը ուժը կորցրած են ճանաչվում:



7.2. Կենտրոնական բանկի պատասխանատվությունը.

- 7.2.1.Այն դեպքում, եթե Կենտրոնական բանկը հանդես է գալիս որպես Արտարժույթի Գնորդ, սույն համաձայնագրով սահմանված ժամկետներում Բանկի թղթակցային հաշվին Գործարքի դրամային համարժեքի չափով դրամի մուտքագրումը չափահովելու կամ անպատշաճ կերպով կատարելու դեպքում վճարում է տուժանք՝ Գործարքի դրամային համարժեքի 0.5%-ի չափով, իսկ Հայտը և Հայտի հաստատումը ուժը կորցրած են ճանաչվում:
- 7.2.2.Այն դեպքում, եթե Կենտրոնական բանկը հանդես է գալիս որպես անկանխիկ Արտարժույթ Վաճառող, սույն համաձայնագրով սահմանված ժամկետներում արտարժութային գումարների մուտքագրումը Բանկի կողմից նշված արտարժութային հաշվին չափահովելու կամ անպատշաճ կերպով կատարելու դեպքում վճարում է տուժանք՝ յուրաքանչյուր ուշացված օրացուցային օրվա համար Գործարքի դրամային համարժեքի 0.5%-ի չափով: Սույն ենթակետով նախատեսված տուժանքները հաշվարկվում են Գործարքի Կատարման օրվան հաջորդող օրացուցային օրվանից հաշված առավելագույնը երեք Աշխատանքային օր, որից հետո Կենտրոնական բանկի կողմից պարտավորությունը չկատարելու պարագայում Կենտրոնական բանկը հետ է վճարում Բանկի թղթակցային հաշվից գանձված դրամական գումարը:
- 7.2.3.Այն դեպքում, եթե Կենտրոնական բանկը հանդես է գալիս որպես կանխիկ Արտարժույթ Վաճառող, սույն համաձայնագրով սահմանված ժամկետներում կանխիկ Արտարժույթը Բանկին չտրամադրելու կամ անպատշաճ կերպով կատարելու դեպքում վճարում է տուժանք՝ Գործարքի դրամային համարժեքի 0.5%-ի չափով, իսկ Հայտը և Հայտի հաստատումը ուժը կորցրած են ճանաչվում:
- 7.2.4.Այն դեպքում, եթե Կենտրոնական բանկը հանդես է գալիս որպես Արտարժույթի ներգրավման սվոփ կամ Արտարժույթի տրամադրման սվոփ Գործարքի կողմ, Արտարժույթի ներգրավման սվոփի առաջին քայլի կամ Արտարժույթի տրամադրման սվոփի երկրորդ քայլի իրականացման ժամանակ սույն համաձայնագրով սահմանված ժամկետներում արտարժութային գումարների մուտքագրումը Բանկի կողմից նշված արտարժութային հաշվին չափահովելու կամ անպատշաճ կերպով կատարելու դեպքում վճարում է տուժանք՝ յուրաքանչյուր ուշացված օրացուցային օրվա համար Գործարքի դրամային համարժեքի 0.5%-ի չափով: Սույն ենթակետով նախատեսված տուժանքները հաշվարկվում են Գործարքի համապատասխան քայլի Կատարման օրվան հաջորդող օրացուցային օրվանից հաշված առավելագույնը երեք Աշխատանքային օր, որից հետո, Կենտրոնական բանկի կողմից պարտավորությունը չկատարելու պարագայում, Հայտը և Հայտի հաստատումն ուժը կորցրած են ճանաչվում (ընդ որում Արտարժույթի տրամադրման սվոփի երկրորդ քայլի իրականացման դեպքում Հայտն ուժը կորցրած է ճանաչվում միայն երկրորդ քայլի մասով), և Կենտրոնական բանկը հետ է վճարում ի կատարումն Գործարքի համապատասխան քայլի Բանկի թղթակցային հաշվից գանձված դրամային գումարը:



- 7.2.5.Այն դեպքում, եթե Կենտրոնական բանկը հանդես է գալիս որպես Արտարժույթի ներգրավման սվոփ կամ Արտարժույթի տրամադրման սվոփ Գործարքի կողմ, Արտարժույթի տրամադրման սվոփի առաջին քայլի կամ Արտարժույթի ներգրավման սվոփի երկրորդ քայլի իրականացման ժամանակ սույն համաձայնագրով սահմանված ժամկետներում Բանկի թղթակցային հաշվին Գործարքի դրամային համարժեքի, ինչպես նաև Արտարժույթի ներգրավման կամ Արտարժույթի տրամադրման սվոփ գործարքների երկրորդ քայլի իրականացման ժամանակ Կենտրոնական բանկի կողմից վճարման ենթակա Սվոփ տոկոսադրույթին համապտասխան գումարի մուտքագրումը չապահովելու կամ անպատշաճ կերպով կատարելու դեպքում վճարում է տուժանք՝ Գործարքի դրամային համարժեքի 0.5%-ի չափով, ինչպես նաև վճարման ենթակա Սվոփ տոկոսադրույթին համապտասխան գումարը, իսկ Հայտը և Հայտի հաստատումը ուժը կորցրած են ճանաչվում, ընդ որում Արտարժույթի ներգրավման և Արտարժույթի տրամադրման սվոփի երկրորդ քայլի իրականացման դեպքում Հայտն ուժը կորցրած է ճանաչվում միայն երկրորդ քայլի մասով:
- 7.2.6.Արտարժույթի կանխիկացման Գործարքի իրականացման ժամանակ, Կենտրոնական բանկը սույն համաձայնագրով սահմանված ժամկետներում կանխիկ Արտարժույթը Բանկին չտրամադրելու կամ անպատշաճ կերպով կատարելու դեպքում վճարում է տուժանք՝ Գործարքի ծավալի 0.5%-ի չափով, ընդ որում, տուժանքը հաշվարկվում է ՀՀ դրամով՝ Կենտրոնական բանկի կողմից Գործարքի կատարման օրվա դրությամբ սահմանված հաշվարկային փոխարժեքով, իսկ Հայտը և Հայտի հաստատումը ուժը կորցրած են ճանաչվում:
- 7.2.7.Արտարժույթի ապականխիկացման Գործարքի իրականացման ժամանակ, Կենտրոնական բանկը, սույն համաձայնագրով սահմանված ժամկետներում արտարժութային փոխանցումները չկատարելու կամ անպատշաճ կերպով կատարելու դեպքում վճարում է տուժանք՝ Գործարքի ծավալի 0.5%-ի չափով, ընդ որում, տուժանքը հաշվարկվում է ՀՀ դրամով՝ Կենտրոնական բանկի կողմից Գործարքի կատարման օրվա դրությամբ սահմանված հաշվարկային փոխարժեքով, իսկ Հայտը և Հայտի հաստատումը ուժը կորցրած են ճանաչվում:
- 7.2.8.Արտարժույթի կանխիկացման կամ ապականխիկացման Գործարքի իրականացման ժամանակ սույն համաձայնագրով սահմանված օրվա դրությամբ վճարման ենթակա միջնորդավճարին համապտասխան դրամական միջոցները Կենտրոնական բանկում Բանկի թղթակցային հաշվին չնուտքագրելու կամ անպատշաճ կերպով կատարելու դեպքում Կենտրոնական բանկը վճարում է տուժանք՝ Գործարքի ծավալի 0.5%-ի չափով, ընդ որում, տուժանքը հաշվարկվում է ՀՀ դրամով՝ Կենտրոնական բանկի կողմից Գործարքի կատարման օրվա դրությամբ սահմանված հաշվարկային փոխարժեքով, իսկ Հայտը և Հայտի հաստատումը ուժը կորցրած են ճանաչվում:
- 7.2.9.Սույն համաձայնագրով Կենտրոնական բանկին իրավունք է վերապահվում Կենտրոնական բանկում գտնվող Բանկի թղթակցային հաշվից անվիճելի (անակցելի) կարգով գանձել սույն հողվածով նախատեսված տուժանքի գումարները:



7.3.Կողմերը օրենքով սահմանված կարգով պատասխանատվություն են կրում սույն համաձայնագրով նախատեսված գործառնությունների վերաբերյալ տեղեկությունները երրորդ անձանց տրամադրելու համար, բացառությամբ «Բանկային գաղտնիքի մասին» Հայաստանի Հանրապետության օրենքով սահմանված դեպքերի:

8. Վեճերի լուծման կարգը

- 8.1.Սույն համաձայնագրի հետ կապված վեճերը լուծվում են բանակցությունների միջոցով՝ երեսունօրյա ժամկետում: Սույն համաձայնագրով որևէ Կողմին ներկայացված առարկությունները վերջինիս կողմից ենթակա են պարզաբանման 3 Աշխատանքային օրվա ընթացքում:
- 8.2.Առաջացած վեճերը բանակցությունների միջոցով չլուծվելու դեպքում, դրանք լուծվում են Հայաստանի Հանրապետության օրենսդրությամբ սահմանված դատական կարգով:

9. Համաձայնագրի գործողության ժամկետը

- 9.1.Սույն համաձայնագիրը կնքվում է անժամկետ: Դրա գործողությունը դադարեցվում է Հայաստանի Հանրապետության օրենսդրությամբ սահմանված կարգով Բանկի բանկային գործունեության լիցենզիան ուժը կորցրած կամ անվավեր ճանաչվելու պահից:
- 9.2.Համաձայնագրի գործողության դադարեցման դեպքում Կողմերի՝ սույն համաձայնագրով ստանձնած և չկատարած պարտավորությունները ենթակա են պարտադիր կատարման, եթե Հայաստանի Հանրապետության օրենսդրությամբ այլ բան սահմանված չէ, կամ եթե Կողմերը այլ բան չեն պայմանավորվել:
- 9.3.Սույն համաձայնագիրը կարող է դադարեցվել Կողմերից որևէ մեկի գրավոր դիմումի հիման վրա, որը պետք է ներկայացվի համաձայնագրի դադարեցման օրվանից մեկ ամիս առաջ:
- 9.4.Կողմերը պարտավորվում են եռօրյա ժամկետում գրավոր ձևով միմյանց տեղեկացնել իրավաբանական, փոստային կամ էլեկտրոնային հասցեների, տելեքսի, հեռատիպի, հեռախոսի, ֆաքսի, այլ փոփոխությունների մասին, որոնք ապահովում են սույն համաձայնագրով սահմանված դրույթների կատարումը:

10. Անհաղթահարելի ուժի ազդեցությունը (ֆորս-մաժոր)

- 10.1.Սույն համաձայնագրի դրույթները չկատարելու կամ ոչ պատշաճ կատարելու դեպքում Կողմերը ազատվում են պատասխանատվությունից, եթե այն հետևանք է հանդիսացնել պարտավորությունների կատարման վրա էականորեն ազդող



անհաղթահարելի ուժի և որպես ֆորս-մաժոր համարվող պայմանների ազդեցության:

11. Այլ դրույթներ

- 11.1.Սույն համաձայնագիրն ուժի մեջ մտնելու պահից Կողմերի միջև Հայաստանի Հանրապետության կենտրոնական բանկի նախագահի 2003 թվականի հուլիսի 14-ի թիվ 1/250L որոշումով հաստատված ձևով կնքված «Հայաստանի Հանրապետության կենտրոնական բանկի կողմից Հայաստանի Հանրապետության տարածքում գործող բանկերի հետ արտարժույթի առք ու վաճառքի, արժութային սպոփ, արտարժույթի կանխիկացման և ապականխիկացման գործառնությունների կնքման գլխավոր համաձայնագիրը» համարվում է լուծված:
- 11.2.Սույն համաձայնագիրը կազմված և ստորագրված է 2 օրինակից (յուրաքանչյուր Կողմին՝ մեկական օրինակ): Երկու օրինակներն ել ունեն հավասար իրավաբանական ուժ:

12. Կողմերի իրավաբանական հասցեները

Կենտրոնական բանկ

Բանկ

Հայաստանի Հանրապետություն

Հայաստանի Հանրապետություն

375010, ք. Երևան, Վազգեն
Սարգսյան 6

Հեռախոս՝ _____

Հեռախոս՝ _____

Տելերս՝ _____

Տելերս՝ _____

Ֆաքս՝ _____

Ֆաքս՝ _____

ՀՀ կենտրոնական բանկի նախագահ՝

Բանկի տնօրեն
(Վարչության նախագահ)՝

S.Սարգսյան

Կ.Տ.

Կ.Տ.

Գնահատեր Փողի Արժեքը



[Հավելվածներ](#)

Գնահատեք Փողի Արժեքը